



Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. XXXII. De erroribus quod damnauit Albertus tam scriptis quàm
disputationibus.

urn:nbn:de:hbz:466:1-44148

CAPVT XXXII.

De erroribus quos damnauit Albertus tam scriptis quam disputationibus.

FACTA autem est præfata disputatio & victoria per Alberti manum Dei adiutorio sub Alexandro Quarto, qui cœpit anno M. CC. LIV. & sedet annis septem, mensibus tribus, diebus quatuor; de quo in Chronicis manifestè etiam inuenitur, eumdem damnasse Libros contra Religiosos Mendicantes factos, in quibus & continebatur eos debere perire anno Domini M. CC. LX. sed illorum Pseudoprophetarum dicta falsitate esse plena, euidentia contrarij eventus probat, cum vsque ad nostra tempora, Deo fauente, in salutem mulitorum Ordines Mendicantium constat durare. Sed quod ipse Albertus vicerit hunc præfatum Wilhelmum cum suis complicibus, notatur non tantum per præfatorum Scriptorum testimonia, sed etiam ipsius Alberti verbis, ut patet Lucae xxi. circa illum Textum, *Vidua
hac*

hæc pauper plus quām omnes misit. vbi sic
inquit Albertus in Postilla : *Istud est*
valde contra illos qui dicunt quod peccant
qui omnia relinquunt, & posteā mendicant;
quia expressè laudatur vidua quod
totum victum misit ; quæ pro certo totum
victum non dicta esset mittere, si aliunde
victum nisi ex mendicatione posset habe-
re, &c. Sed adhuc apertius loquitur
idem Albertus de Wilhelmistis super
Matthæum, circa illud, *Sed libera nos à*
malo, in hunc modum sermonem pro-
sequens : Dixit tamen Christianus Bel-
luacensis, quod aliquando in ista petitione
Ecclesia exauditur quia ante finem mun-
di Sancti erunt sine originali, & Christus
cum eis corporaliter comedens & bibens, &
liberi ab omnibus malis per mille annos.
Sed iste error ab ipsomet, & à nobis, & aliis
multis condemnatus est. hæc Albertus.
Fuit autem iste Christianus unus ex
quatuor Magistris præfatis qui conci-
tauerunt Clerum contra Mendicantes,
sicut testatur Frater Thomas, Auctor
Libri Apum, de eodem sic inquiens:
Postmodum unus ex quatuor Magistris
aduersariis Fratrum, nomine Christianus
Belluacensis, infirmatus, amarissimo corde

con-

contritus recognouit, nihil se & complices
suos contra dictos Fratres habuisse, nisi
quod eis aquari scientia non valeret, & ob-
hoc paruipenderent eos Auditores. hæc in
Libro Apum.

Sub iam præfato Papa Alexandro &
alium pestiferum destruxit Albertus
venerabilis errorem: nam in Summa
sua mirabilis scientiæ Dei, Parte secun-
da, vbi tractat de anima, dicit errorem
nimis periculosem extitisse & inualui-
se suo tempore de vnitate intellectus,
dicentium quod una sola anima intel-
lectualis sit in omnibus corporibus. de
quo errore ibidem inter multa alia ita
dicit Albertus: *Hic error Auerrois* habet
tres partes, & nimis periculosus est, ha-
betque multos defensores: & quia defenso-
res huins hæresis dicunt, quod est secun-
dum Philosophiam, licet fides aliud ponat;
& ideo oportet quod secundum Philosophiam
destruatur. hæc ille: qui in eodem
loco, postquam ad longum disputauit
destruendo hanc hæresim fortissimis
rationibus, sic in fine adiungit hæc
verba, ita dicens: *Hæc omnia aliquando*
in Curia collegi existens ad præceptum Do-
mini Alexandri Papæ, & factus fuit idem
Liber-

Libellus quem multi habent, & intitula-
tur, *Contra Auerrois*. hæc Albertus de
se dicit in Summa. Tractatus autem sic
intitulari solet: *Albertus contra eos qui*
dicunt post separationem non remanere ex
omnibus nisi unum intellectum & unam
animam. cuius Tractatus initium est
istud: *Quoniam apud nonnullos qui Phi-*
losophiam profitentur, dubium est de ani-
mae separatione, &c. Insuper notandum
est, quod idem error Auerrois iterum
pullulauit Parisiis post mortem Alex-
andri, ita ut magni Doctores ibidem
contra Auerroistas frequentius dispu-
tarent: quorum disputatio per Alberti
sententiam robur accepit, licet absens
esset corpore: vnde quidam Frater Præ-
dicatorum Ordinis ipsi Alberto *Quæ-*
stiones xi. in epistola misit de errore
iam dicto, ut suam mentem etiam super
ijs explicaret; quod & fecit. Est autem
tenor epistolæ iam dicti Fratris ad Al-
bertum iste: *Venerabili in Christo Patri*
ac Domino Alberto, Episcopo quondam
Ratisponensi, Frater Ægidius Ordinis
Prædicatorum, licet indignus, cum salute
glorificare Deum in doctrinis. Articulos
quos in Scholis proponunt Magistri Pari-
siis,

fisi, qui in Philosophia maiores reputan-
sur, vestrae Paternitati, tamquam vero in-
tellectu illuminato, transmitere dignum
duxí, ut eos iam in multis congregationi-
bus impugnatos vos otio vestri imperij ter-
minetis. Primus est, quod intellectus om-
nium hominum est unus & idem nume-
ro, &c. hæc epistola Fratris, quæ conti-
net & alias Quæstiones. Tractatus verò
Alberti super has Quæstiones vndecim
notus est, cuius initium est istud: *Intel-
lectus hominis*, &c. & præfata episto-
la Fratris Ægidij præmittitur eidem.
Quando autem iste error pullulanit ite-
rùm Parisiis, ex præfati Fratris Ægidij
verbis notari potest, quia scribit Alber-
to dictam epistolam postquam resigna-
uerat Albertus Episcopatum. hæc au-
tem resignatio quando fuerit, in se-
quentibus patebit. Præter hos autem
errores venerabilis Albertus varios in
suis Libris impugnat: de quibus saltem
aliquos notare dignum duxi, ut scia-
tur quantum ipse sua doctrina Ecclesiæ
præstítit. Nam contra Manichæos po-
nentes duo principia, vnum bonorum,
aliud malorum; propter quam etiam
hæresim beatus Petrus Mediolanensis

Præ-

Prædicatorum Ordinis illo in tempore
martyrizatus est; Albertus ad longum
disputat in prima Parte suæ Summæ,
vbi latissimè loquitur de bono, & eius
opposito, scilicet malo: ponitque ibi-
dem quòd habeat ortum ab antiquo
Pythagora, & quòd defensores huius
erroris se defendunt ex Scriptura malè
intellecta. Item in eadem Parte Sum-
mæ, vbi de simplicitate diuinæ essentiæ
determinat, eliminat aliam hæresim,
confutando potenter illos, qui Deum
ponebant esse animam mundi; & aliam
hæresim, quæ ponebat Deum esse ma-
teriam primam; de qua hæresi dicit in-
ter alia, quòd non est tantùm contra
fidem, sed & contra Philosophiam, &
absurdissimum quid. In secunda autem
Parte de eadem hæresi contra David
Dinandi auctorem hæresis huius dis-
putans & connincens, dicit hunc erro-
rem esse in suo tempore renouatum,
quamuis sit pessimus & abominabilis;
dicitque sequaces illius erroris aucto-
ritates Sanctorum non recipere, & ideo
Philosophicè esse contra eos disputan-
dum: quod & facit egregiè, rationes
eorum ex Philosophia & Poëtis addu-

L Etas

etas soluens. Hic etiam error, imò hæresis, in tantum inualuit tunc, ut Albertus refert in eodem articulo, quòd discipulum quemdam præfati David nomine Baldewinum contra se disputasse dicat; cuius tamen rationes fortiores dicit esse viles. Quæ omnia qualiter sunt Philosophicè per Albertum in dicta secunda Parte interempta, inuenies circa illam Questionem, ubi quærit an hæc duo compossibilia sunt secundum intellectum; scilicet, quòd mundus à Deo sit factus, & tamen duratione hoc modo sit æternus, quòd duratio eius initium non habuerit. Item alium errorem hæreticum damnat in secundo scripto, distinctione vi. quem dicit esse unum de erroribus Græcorum modernorum, scilicet quòd nullus descendit in infernum usque ad diem iudicij; & ideo ibidem dicit amplius esse disputandum contra illum. Quas Disputationes ibi inuenies, & quòd initium sumpserit ex errore Platonicorum dicentium secundam & tertiam generationem. Insuper ibidem hunc errorem Platonicorum similiter damnat, & unde habuit occasionem dicit: ubi etiam inue-

inuenies quòd somnium Scipionis super illo fundatur errore. Alium errorē eliminat ab Ecclesia in tertio scripto , distinctione xxii. illum videlicet, quòd ascensio Christi non dicat motum localem; quod apertè est contra sacram Scripturam. Item in Libro de Eucharistia alios errores periculosos multos damnat : vnum qui dicit , quòd Christus non continetur tam sub forma panis quam vini veraciter : de quo ait, quòd non est error, sed hæresis manifesta , & liber deberet comburi ubi hoc reperitur : de quo errore sic prosequitur inter alia : *Quamvis ait ipsi tales hæretici respondeant ad omnia obiecta aliqualiter modis responsionis , tamen nullus Christianus debet de huinsmodi penitus curare ; sed constantissimè dicendum est , quòd hæretici sunt qui tenent illam opinionem , quia pro certo nulla Catholica responsio ad ea quæ obiecta sunt potest adhiberi: unde illam opinionem hæreticam pronuntiamus.* Et si dicitur quòd in Decreto & Sententiis continetur ; dico quòd in his Libris non continetur ut determinata veritas, vel sicut opinabilis probabilitas; sed sicut per disputationem condemnanda hæ-

retica falsitas. Tamen in scientia Sacra-
mentorum non multum attendenda est sen-
tentia Decretistarum, quia pro certo mul-
ta falsa de talibus scribunt & dicunt, cō
quòd sunt homines ignari in sacra Scri-
ptura, nescientes originalia Sanctorum; nec
possunt nisi peccare, docentes in fide Ca-
tholica quæ ignorant. hæc Albertus. Ex
his verbis Alberti non paruam instru-
ctionem sumere possumus, cūm nobis
innotescit quòd multi docent quæigno-
rant, & ideò benè notandi sūnt huius-
modi Doctores docentes quæ non di-
dicerunt: plures enim nostro tempore
sunt qui potius Rabbi vocari malue-
runt quam esse; quibus nec ignorantia
verecundiam adducit, nec præsum-
ptuosa audacia, qua v̄surpant quod non
debent, incutit timorem. Tales enim in
periculum animarum suarum & alio-
rum docent; & quanta mala eueniunt
inde, notent sapientes. Benè ergo bea-
tus Iacobus dicebat: *Nolite plures ma-
gistris fieri, fratres mei, scientes quia manus
indictum sumitis.* Aliam quoque in Li-
bro de Eucharistia damnat Albertus
opinionem; illam videlicet quæ dicit, in
Sacramento Altaris substantiam panis

& vi-

Iac. 3.

& vini manere cum Corpore Christi.
De hac opinione rationes fortes &
signa quæ inducuntur à defensoribus
opinionis illius Albertus soluit, & fal-
situdinem opinionis ex verbis Domini os-
tendit; subiungitque quod licet non sit
hæresis, est tamen valdè incauta, & hæ-
resi valdè vicina. Item in secunda Parte
mirabilis scientiæ Dei, circa finem, ubi
agit de peccatis, interemit hæresim, quæ
dicit coitum soluti cum soluta non esse
mortale peccatum : quam hæresim di-
cit esse Græcorum. Sed ipse ibidem va-
lidis rationibus sacræ Scripturæ & Phi-
losophicis eos vincit, dicitque Græcos
fuisse coactos reuocare suum errorem
in Concilio Lugdunensi. Sed & ipse
Albertus in Lugdunensi fuit Concilio,
ut infrà habetur ; destruxitque alios
varios errores, de quibus omnibus
enarrare breui non posset quis tempo-
re. sed & mirabiliter reprehendit in Li-
bro suo de Eucharistia illos qui Philo-
sophicis rationibus volunt discutere se-
creta sacræ Theologiæ , dicitque eos
committere tria & quatuor scelera, ad-
ducens Amos Prophetam, qui loquitur
de tribus & quatuor sceleribus. Quæ

L 3 autem

autem sunt scelera ista, in præfato Libro Alberti egregiè inuenies, quæ hīc causa breuitatis omissa sunt. Factum igitur est non sine speciali ordinatione diuini consilij, vt Doctor hic mirabilis in omni scientia singularis excellentiæ tunc Ecclesiæ mitteretur, cùm ipsa variis erroribus quasi nebulosa caligine inuoluebatur, quatenus tanti luminis radiis vndique effusis lux veritatis per orbis latitudinem cunctis verum desiderantibus redderetur. Et quia de tot erroribus Albertus sanctam Ecclesiam, gratia Dei adiutus, eripuit; euenisse dicitur, quòd ex Ordine Fratrum Prædicatorum Lector Sacri Palati semper habetur, eò quòd inter Mendicantes Albertus propter excellentiam scientiæ & victoriā iam dictam primus fuerit. Sed hoc insuper ex supra dictis notandum est, quòd quia venerabilis Albertus contra vitiosos singulariter certauit verbo & scripto; nulli ambiguum, quin & ipse præ aliis Fratribus à malis tela infamiæ est expertus: nam tunc tribulatio tanta fuit, vt pænè Fratres desperarent de subsistentia Ordinis: de quibus omnibus multa

multa adducere possem , nisi breui-
tas , cui intendo , obsisteret . Hæc au-
tem tribulatio iam dicta , qua Fratres
vexabantur permaximè , fuit infamatio
quam sustinebant à Clericis quibus-
dam , vt superiùs dictum est per Fra-
trem Thomam in suo Libro Apum: qui
testatur , quòd cùm nihil aliud facere
poterant , litteras infamatorias plenas
mendaciis contra Fratres per diuersa
Regna miserunt . Vnde autem processit
odium illorum , ex supradictis notatum
est: nam quidam oderant , quia scientia
æquiparari non poterant Fratribus Do-
ctoribus in Ordine , quales fuerunt Al-
bertus , Hugo , Gwerricus , sanctus Tho-
mas , Petrus de Tarentasia , & alij multi .
Alij autem odij seminarium habuerunt
ex audientia confessionum , quæ com-
missa fuerat Fratribus , quatenus in hu-
iusmodi labore adiutores essent Pasto-
rum in Ecclesia Christi . Sed tales adiu-
tores , vtique necessarios , quidam ex-
cæcati nescio quo stercore , videre non
poterant ; quare turbati , diuerso ge-
nere infamacionis Fratres lacerabant :
vnde quidam , dum nil probabilis ma-
li Fratribus imponere poterant , illo

L 4 in

in tempore quo Fratres primitus Coloniæ locum ad habitandum suscipierent, suggesterunt Reuerendissimo Domino Archiepiscopo Coloniensi Domino Engelberto Primo, dicentes mendaciter, tamquam de dictis Fratribus prophetatum esset, quia ipsi essent seductores populi. Sed ille vir sapiens & amator Religionis, contemnens ipsorum mendacium, respondit: Si prophetatum est, ergo impleri necesse est Prophetiam. recipiamus igitur illos. Maluit enim ipse in verbi Dei prædicatione, vt pote strenuos milites Christi, cooperatores habere Fratres, quæm offensam temporalem vanorum hominum malè suggesterentum timidè declinare. Amabat quippe ipse venerabilis Antistes, vti verus pastor, inferentes pascua salutis suo gregi: imò & ipse pastoris officium non deserens, dum Essendiense Monasterium ad reformationem morum reducere modis omnibus laboraret, insidiosè à nobilibus quibusdam, in hoc non nobilibus, propter suam religiositatem in via diris vulneribus sauciatur, occiditur, ac in Ecclesia sancti Petri sepelitur, miraculis

ut fertur coruscando. Postquam vero
recepti fuerant Fratres gratiosè, non
tamen defuit satan, qui suis malitiæ
iacula ministraret: vnde circa Alberti
tempora, cum quidam Legatus missus
fuerit in Alamanniam, contigit, sicut re-
fert Frater Thomas in Libro Apum
circa principium, ut ille Cardinalis Le-
gatus, nomine Conrardus, in Colonia pœ-
sideret in Synodo, cui quidam Sacerdos
Parochialis conquestus est, dicens: Ecce
Fratres Ordinis Prædicatorum, qui in
damnum nostrum Coloniam intrauerunt,
falcem mittunt in messem alienam, au-
diunt confessiones subditorum nostrorum,
& per hoc attrahunt sibi homines in fa-
uorem. Cui mox Conrardus Legatus re-
spondit: Quis est numerus hominum tibi
in Parochia subditorum? Et ille, Nouem
millia, inquit. Et consignans se Cruce. Le-
gatus, Quis es, ait, miserrime, qui tot milli-
bis solus sufficis debitâ gubernationis cu-
ram impendere? Nescis hominum perdi-
tissime, quia in illo debes tremendo iudicio
ante tribunal Christi de ipsis omnibus respon-
dere? Et tu, si tales habes vicarios, queru-
laris, qui onus tuum gratis releuent, sub-
cuius pondere nescius conquassaris? Ergo

L 5 ex

ex hac querela indignum te cura omnimoda indicasti, & ideo priuo te omni beneficio Pastorali. hæc in Libro Apum. Sed & ipse Albertus aperit, quare huiusmodi Fratres dati sunt in adiutorium Parochialibus Sacerdotibus, vt patet in quarto suo scripto, distinctione XVII. vbi sic ait: *Et si data est licentia quibusdam audiendi eos quos monent verbo sua prædicationis, firmissimè credendum est, quod propter nimiam Sacerdotum negligentiam hoc Summus Pontifex dedit; quia peccatis nostris crescentibus in hoc fine saeculi, & per pauci inueniuntur Sacerdotes qui veri sint Pastores.* hæc Albertus: qui consequenter ibidem adiungit, etiam esse periculose petere licentiam alteri confitendi à plerisque Sacerdotibus. Similiter quæ ipse expertus est, & quām periculose est audire confessionem, si inidoneus sit audiens, ab ipso positum ibi reperies. Ex suis etiam verbis in eodem scripto clariſſimè inuenies, ipsum Albertum non parum laborasse in confessionem audiendum. Tantæ autem contra vitiosos, cùm necessitas requirebat, austerioris in instituendis pœnitentiis Albertus exti-

exitit, sicut de ipso Frater Ioannes Columbariensis, qui conuersationem eius nouerat, refert in sua Chronica, vt septennem pœnitentiā imponeret pœnitenti duram satis; sciens quos aqua contritionis sufficienter mundare non vallet, lima asperæ increpationis à rubigine exuens ad puritatem perducit. Nec vtique huius onus suscepissent pœnitentiæ peccatis obnoxij, nisi sua prædicatione ignita Albertus singulatis perfectionis illos inclinasset.

Præfata autem tribulatione & infamacione cessante, scripsit Magister Humbertus anno Domini M.CC.LVIII.ex Capitulo Generali Tolosæ celebrato litteras toti Ordini cui præerat, vt refert Frater Bernardus de castris sancti Vincentij in sua Chronica; monens omnes Fratres, quatenus iam deuotiùs Dei operi insisterent, quia essent liberati de tam magna vexatione, qua totus Ordo tribulabatur: fuerant namque ob hanc tempestatem non modicè Fratres in servitio dinnio præpediti.